



Na sjednicu Skupštine Brčko distrikta BiH došli su i predstavnici EU i OSCE-a

Kazne djeci zbog nesavjesnih roditelja

Skupština Brčko distrikta razmatra izmjene Zakona kojima ukida dječiji dodatak djeci koja ne pohađaju redovno školu ili imaju previše neopravdanih izostanaka

Izmjena Zakona o dječijoj zaštiti, koju je Skupština Brčko distrikta jednoglasno usvojila u prvom čitanju, a jučer imala na dnevnom redu za drugo čitanje, dovela bi do povećanja broja djece izložene prosijačanju i drugim vidovima eksploatacije, a u konačnici ima za cilj da djecu iz romske zajednice izbaci iz prava za dječiji dodatak.

Društvena isključenost

Ovo su na jučerašnjoj pres-konferenciji održanoj u Brčkom poručili iz Udruženja Zemlja djece, kazavši kako se ne smije dozvoliti ovaj pravni presedan u BiH.

Podsjećamo, izmjene Zakona predviđaju da djeca koja ne pohađaju školu ili imaju teže povrede discipline i obaveza tokom školovanja, poput neopravdanih izostanaka, prestaju imati pravo na dječiji dodatak. Iz Udruženja poručuju kako je ovo kršenje svih konvencija o pravima djeteta, ali i to da djeca ne smiju ispaštati zbog postupaka nesavjesnih roditelja.

Krajnje implikacije neće biti discipliniranje nesavjesnih roditelja, već će se, naprotiv, samo povećati broj djece koja će biti izložena prosijačanju i drugim vidovima eksploatacije. Njihova nevidljivost za sistem će biti još izraženija i dovest će ih do potpune društvene likvidiranosti, kazala nam je Mirsada Bajramović, predsjednica Udruženja.

Predstavnici ovog udruženja jučer su održali i pres-konferenciju tokom održavanja Skupštine BD-a na kojoj je Zakon razmatran u drugom čitanju. Poručili su da ovakva izmjena Zakona predstavlja kršenje Konvencije o pravima djeteta, a u konačnici dovede do kažnjavanja djece kojoj roditelji ne dozvoljavaju da pohađaju nastavu.

Uslavljanje pristupa pravu na dječiji dodatak sa ostvarenjem prava na obrazovanje je protuustavno i apsolutno nedopustivo. Pri tome, zakonodavac vrlo svjesno manipulira liše ovom situacijom, predstavljajući dječiji dodatak kao posebnu nov-



Bajramović: Prekršajni postupak treba pokrenuti protiv roditelja

čanu naknadu koju ima roditelj, a ne dijete. Roditelj je dužan novcem raspolagati u ime i u najboljem interesu djeteta, naglasila je Bajramović.

O spornoj izmjeni Zakona i Institucija ombudsmena za ljudska prava je službeno otvorila predmet, te pozvala nadležne da se izjasne povodom nastale situacije.

Ombudsmeni izražavaju zabrinutost povodom konkretne situacije i obavijestili su Skupštinu Brčko distrikta Bosne i Hercegovine da se predložena zakonskim rješenjem otvaraju brojna pitanja kršenja i ugrožavanja prava djeteta u Brčko distriktu BiH i

postupanja koja nisu u skladu sa međunarodnim standardima, prvenstveno sa osnovnim principima i odredbama UN Konvencije o pravima djeteta, stoji u saopštenju Ombudsmena.

Iz Udruženja poručuju kako je ova kvb izmjena presedan u BiH, te da bi dozvolom ovakvih izmjena bila prekršena Konvencija o pravima djeteta koja obavezuje državu potpisnicu na to da djetetu u stanju socijalne potrebe prizna pravo na prednost socijalne sigurnosti.

Zanemarene dužnosti

Djete ne smije snositi posljedice na način da mu se uskraćuju njegovu zagarantovana prava zato što njegov roditelj ili staratelj zanemaruju svoje roditeljske dužnosti. Posebno zabrinjava što zakonodavac zanemaruje raspoloživi zakonski mehanizam zaštite djeteta u okviru obrazovnog procesa, u kojem je jasno navedeno da je roditelj osoba protiv koje se pokreće prekršajni postupak u slučaju da ne podstigne i sprečava obrazovanje djeteta, dodala je Bajramović.

Nakon upozorenja iz Udruženja Zemlja djece, sjednici su prisustvovali i predstavnici OSCE-a i E.U. Okončanja ovog izdanja Oslobođenja ova tačka nije došla na red za razmatranje.

Udruženje poziva i Ured visokog predstavnika, supervizora za Brčko, Misiju OSCE-a i Ministarstvo za ljudska prava i izbjeglice BiH da djeluju s ciljem zaštite prava svakog djeteta